


地 310.35
42
印 2.18

同安縣志

卷廿六金石
錄鄉賢

卷廿七思明州人物錄

卷廿八人物



同安縣志卷之二十六

金石

岫巖石鼓銅鐘習鼎世之所謂金石也撫古物而流連斷碑殘字皆博雅考證之資昔之歐趙今之劉王其搜羅繁富可證也邑在閩僻壤耳自宋紫陽過化文物繁興兼之地屬海疆博雅名流諸多戾止石刻鼎鐘其留以待後人之博考者正自有在固不待探五嶽之貞珉探八都之寶錄爲足見嗜古之翔實也志金石

金塗塔記

藏在蘇氏

吳越國王

錢弘俶敬造

保

八萬四千寶

塔乙卯歲記

梁退庵金石書畫跋云此吳越錢忠懿王弘俶所造自四角至底高四寸強上有塔頂高三寸相輪九級除四角其高亦與塔身同故統計高六寸塔分四面第一面鑄佛像坐左右各一人前有二虎佛作割肉飼虎狀此面之內鑄楷字云云十

同安縣志

卷之二十六

金石

九字下別有一保字蓋編號也第二面鑄一佛坐右旁二人一立一坐左旁二人立持杵第三面鑄一佛曲膝俯首一人持刃加其首一人承其下一人倚其後後有寶樹一株第四面鑄佛五佛左右各一人前有二虎佛作割肉飼虎狀此四面之下層皆鑄佛像各三其上層共出四角角三稜稜外八面每面各鑄一金剛持杵像稜內四面每面鑄佛坐像各一其上頂爲相輪九級按此塔是銅汁鎔合故世有散落零片者姜白石所得祇一版作如來捨身相周青士所見亦祇一版放下屠刀立地成佛相朱竹垞及趙味辛所見榻本亦皆是一片而阮宮廟師所見又無上頂之相輪皆不及此之完好也其編號保字亦或每面皆有之張芑堂金石契所載又或作人字其每面所作梵夾故事亦間有不同者知八萬四千之數雖不盡然其所造不一塔矣又考弘俶字文德爲錢武肅王鏐之孫諡忠懿舊五代史漢乾祐元年胡進思廢琮迎俶立之是爲戊申歲此塔造於乙卯則俶立之八年周之顯德三年也吳任臣十國春秋云弘俶本二字名以犯宋宣祖偏名史乃單行俶字今塔款二名顯然一望知爲忠懿之物而朱竹垞曝書亭集乃以爲錢武肅王所造亦偶爾失考或并未見塔抑未見榻本之故歟

陳略云錢忠肅王金塗塔爲同安蘇氏所藏自底至相輪之杪總高九寸八分底至頂平高四寸六分四隅有稜上出高一寸五分四面廣二寸五分底廣三寸三分四層第一層花紋內每面有三座佛二層列佛氏故實若捨身飼虎之類三層於花紋中爲獅頭四層出稜四稜列八金剛相輪高五寸粗如筆管所謂輪者僅如算子之形耳鑄時每面分鑄以銅桿合之上加平頂及相輪記四行乙卯歲周顯德二年也塔與金石萃編所載佛像及編號之字不合所塗之金亦多剝蝕知當時所鑄非一範也

達夫巖題字 皇祐二年

達夫巖 皇祐庚寅季夏乙酉莫兼達夫張士宗元卿黃宗曾希聖陳綜總之薛穎士之林林鑄成之錢臧子重宋溥君覃楊之中景常游興學寺北巖院明日王儀子正至諸君並一時賢者傾蓋於是故記其盛而以令字名巖 閩書字在大輪山絕壁上達夫邑令莫兼字也

同山石字

同山 大同

同安縣志

卷之二十六

金石

二

同山二字宋朱文公以硃砂書於梅山之石字約二尺至今字跡尙明馮志云同山上有大同二字亦朱子書

寒竹風松石刻

寒竹風松四字乃隸書也宋朱子以此四字刻於石在梵天寺後字蒼老古勁邑人多描之

大輪山三字亦宋朱晦翁書每字大三尺餘風度端正弈弈有神邑紳周江達吳錫琮許朝京周宗藩集費泐之於石跋云宋朱文公書大輪山三字大氣渾涵峙立泰岱慮其年久瀰漫特泐於石以垂不朽山靈有知亦當長爲呵護也

大輪山題字

戰龍松 瞻亭 極目

閩書云大輪山朱文公刻戰龍松瞻亭極目七字皆爲勝蹟松已亡矣其字在耳偃月石三字 大輪山之麓亦宋朱文公書

蓮花山石刻

太華巖 蓮花山山頂有石巖朱文公題云云蓋取華嶽蓮花之義 閩書

靈源石刻

馮志云在同安蓮花山泉隨潮汐盈虛朱子鐫字其上

銅魚亭石刻

觀化亭 在朱紫門外溪澗雙溪匯處下有小石四其三形似魚前一石圓徑似珠沒於泥沙邑令李春開清淤見石蓋亭立碑鐫觀花亭三字

銅魚金車石刻

金車在朱紫橋下有二巨石雄鎮水中左一石鐫逝者如斯四字為隸書右一石鐫中流砥柱四字旁署曰東明道人立

何敏致正

應城山石刻

馮志云朱子築堤山上刻應城山三字

小盈嶺上石刻

同民安 小盈嶺同民安三字亦朱子書

豪山碑記

閩書云同安豪山其上石罅有泉大旱不竭有豪山廟宋王明叟碑記

同安縣志

卷之二十六

金石

三

祈雨道場碑記

秋成在望靈雨未零遍伸奠瘞之文未協滂沱之應昔聞禱雨遺跡猶存比乎唐令踵行甘霖立沛仍偕管屬共和神民步行而去帶雨而歸遂使大雨興歌豐年誌慶洵山靈之蘇兆庶爰泐石以銘千秋

馮志云鄭公顯撰公顯字隱之龍溪人乾道進士調處州司戶改知同安

慈濟廟記

莊夏撰

在縣西南積善里之白礁神姓吳名本故居於此

宋乾道二年賜額慈濟 按莊夏登淳祐八年進士第嘉定十年卒

巨石石刻

不詳年代

閩書云醉仙巖有巨石刻天界及傅巖四字

明石刻

麟鳳龜龍四字明御史劉存德書泐於達夫巖之上

東皋清流石刻

東皋清流四字在東溪溪浮一大石如牀明御史劉存德泐此四字於石上字大

而適勁韶秀

洪侍郎石鼓詩

內官保何厝之西有石巉然形圓似鼓高十餘丈明侍郎洪朝選鐫一詩於石云
千崖蒼翠擁峯巒一水滌迴碧浪翻
去年來車馬渡老榕古石解人言
石板篆

在六都施王保山麓六角井內井周圍以小石磬成六角形深不盈丈底爲天然
石板板上鐫篆隸甚多明理學名臣林次崖先生嘗憇此鑒賞

梵天寺鐘

在梵天寺左偏洪武二年造鐘鐫多心經及諸佛號紐鑄一龍工手甚精緻叩之
其聲清越而遠遐邇同聲五百年來古物也

石佛嶺石刻 在感化里

佛嶺有小石塔傍一大石朱子刻安樂窩三字於石

蓮花山石刻 在歸得里

山殊重疊中有一湖朱子刻留心湖三字於石

同安縣志

卷之二十六

金石

四

望雲石刻 在翔風里

朱子刻望雲二字於石